

# 欽定古今圖書集成/博物彙編/藝術典/第 197卷



以2024年12月26日从维基文库导出



欽定古今圖書集成博物彙編藝術典

第一百九十七卷目錄

醫部彙考一百七十七

背脊門三

方二 乳香散 追毒散 化毒丸 保生挺子 神聖膏 金銀花  
散 奪命丹 黃蘗

當歸湯 五香散 五香湯 二香散 四虎散 乳香  
膏 神異膏 逼毒散 青散子

和氣散 追風通氣散 二仙散 搜膿散 芙蓉膏  
三神膏 神妙生肌散 鐵桶膏

玉容膏 水雲膏 神仙解毒丸 將軍散 鐵箍散  
豆豉餅 人參敗毒散 神仙截法

賽命丹 紫金錠 飛龍奪命丹 勝金丹 十全大  
補湯 一粒金丹 翠青錠子 回

陽玉龍膏 蟾酥丸 桃花散 乳香拔毒散 乳香黃  
芪散 當歸連翹散 趙養葵方

神授衛生湯 內消沃雪湯 雙解復生湯 四消散  
內固清心散 琥珀蠟礬丸 回陽

三建湯 神燈照法 敷藥 如意金黃散 黍米寸金  
丹 沖和膏 煮拔筒 當歸酒

清心飲 破棺丹 十宣散 箍藥 烏金膏 援生膏  
神功散 仙方活命飲 神功托

裏散 清涼飲 苦參丸 雄黃解毒散 發背方 海  
馬拔毒散

藝術典第一百九十七卷

# 醫部彙考一百七十七 醫部彙 考一百七十七

背脊門三 背脊門三

方二 方二

乳香散 乳香散

治發背

白乾薑、 苦丁香、 草烏頭各五錢， 釣苓根、 狼  
毒、 乳香各一兩。

右為細末，每用乾摻之，或唾調作錠子，緝入瘡口內。

## 追毒散追毒散

一名「追毒錠子。」治癰疽發背，膿水不快者。

五靈脂 川烏炮、 白乾薑炮，各一兩， 全蠍五錢

右為細末，用少許摻瘡口中，深者紙撚蘸藥緝於瘡口內，以膏貼之，或浸蒸餅令透，捻去水，和藥合勻，撚作錠子，每用緝入瘡口中。

## 化毒丸化毒丸

治一切腫毒，初覺一二日，欬逆煩悶，或咽喉閉塞，發熱惡寒。

乳香另研 沒藥另研，各五錢 草烏酢浸炮裂 浮石燒赤，酢淬七次，研，各七錢 巴豆四十九粒，去皮生用，另研

右五味，為細末，用浮石、烏頭餘酢打麪糊為丸，如豌豆大。每服五七丸，食後冷酒調下。忌熱飲，取快利二三行，或吐出惡物為效。

## 保生挺子保生挺子

治疗瘡、背疽、癰 一切惡瘡。

金腳信 雄黃、 輕粉 硃砂各二錢 麝一錢 巴豆四十九粒，文武火炒研

右為極細末，用黃蠟五錢鎔開，將藥和成挺子，冷水浸少時，取出旋丸，捏作餅子如錢眼大，將瘡頭撥開，安一餅子，次用「神聖膏」貼，後服「托裡散。」若瘡氣入腹危者，服《破棺丹》。

## 神聖膏神聖膏

治發背癰疽，一切惡瘡。

當歸 藁本各半兩 沒藥研 乳香研各二錢 琥珀二錢五分 黃丹 黃蠟 白膠香各二兩 膽礬 粉霜各一錢 槐枝 柳枝各一百廿條 木 子去皮，五十箇 巴豆仁十五箇 清油二斤

右作一處，先將槐枝、柳枝，下油內熬焦，取出不用，後下餘藥，熬至焦黑，亦漉出不用，將油澄清，下黃丹，再熬成膏，用緋帛攤之，甚效。

## 金銀花散 衛生寶鑑 金銀花散〈衛生寶鑑〉

治「發背惡瘡，托裡止痛排膿。」

金銀花四兩 甘草炒，一兩

右為粗末，每服四錢，水酒各一盞，煎至一盞，去查熱服之。

# 奪命丹 **醫學綱目下同** 奪命丹〈**醫學綱目下同**〉

治惡瘡癰疽發背

生大黃為末，置砂器中，以水攪八十一遍，飛過 牡蠣 生薑各一兩， 沒藥 乳香各一錢

右為粗末，轉作丸子，一錢，用「好酒一升，木炭火熬一沸，分二椀盛之，夜露一宿，早晨去滓，空心服。」

## 黃蘗當歸湯黃蘗當歸湯

治背疽

黃蘗炒，七錢 連翹五分 黃芩炒 當歸身炒 甘草炙，各一兩 黃連炒 防風各五錢 澤瀉 山梔 知母、 地骨皮各三錢

右咬咀，分作四服，水一小椀，浸一時許，入酒一匙，煎至八分，去查，調下《檳榔散》，大溫服。

## 五香散五香散

治陰陽之氣。鬱結不消。結核腫痛。發背。寒熱頭痛

木香， 丁香， 沉香， 乳香， 麝香各等分

右為粗末，每取三錢，水煎服。一方無麝香，有藿香。

## 五香湯五香湯

凡癰疽發背，因血凝氣滯而生，氣血聞香則行，故宜用此透達經絡。

人參 黃芪 犀角屑各一錢， 木香 沉香 丁香 乳香  
麝香 甘草各五分

右剉，作一貼，水煎服，或為末點服。

## 二香散二香散

治癰疽發背，因風、氣、食三者而生，通用此調暢胃氣。

益智仁、 縮砂仁各三錢， 木香 藿香、 厚朴 白豆  
蔻 白茯苓、 半夏麴、 陳皮、 蒼朮泔浸 甘草各一  
錢半 丁香七分半。

右為粗末，每服三錢，薑五片，棗二枚，同水煎服。

## 四虎散四虎散

治發背初生，筋脈緊急不舒。

附子生去皮，一兩 天南星泡 半夏湯洗七次 狼毒各半  
兩

右四味，為末，熱酒調成膏，攤上腫處，以熟絹縛定，覺患處如火燒，不妨。

## 乳香膏乳香膏

凡癰疽外熱內疼者，是有客邪，內有積毒，欲作膿透之候。背瘡初發時小，後五七日赤色腫高，即罨藥令內毒散減，疼免牽引，並治之。

乳香一兩 青薄荷葉四兩，洗乾

右研勻，厚罨患處，以青絹盍之。如乾，以新汲水潤之，常令濕，其熱毒自然消散。如熱毒攻結可用，氣毒攻結不可用。

## 神異膏神異膏

治一切癰疽發背

杏仁去皮尖，切片 露蜂房剪淨，各一兩 蜂多者

妙 蛇蛻鹽水洗淨，焙乾 元參各半兩 黃芪三分 黃丹五兩，研細 男子亂髮洗淨，焙乾，如雞子大 真麻油一斤

右件藥先將麻油入銀銚內，同亂髮於風爐上慢慢文武火熬，候髮焦鎔盡，以杏仁投入，候杏仁色變，以好綿濾去查，再將所熬清油入銀銚內，然後入黃芪、元參二味，慢火熬一二時，取出銚子，安一冷風爐



上，候半時久，火力稍息，旋入露蜂房、蛇蛻二味，將柳枝急攪，移銚於火上，不住手攪，慢火熬至黃紫色，用綿濾過，後復入清油在銚內，乘冷投黃丹，急攪片時，又移銚於火上，文武火慢慢熬，不住手用柳枝攪千餘轉，候藥油變黑色，滴於水中，凝結成珠子，則是膏成就矣。若珠子稀，再熬少時，必候得所，然後用磁器內封收待用。或恐偶然熬火太過，稍硬難用，卻入少蠟熬，添麻油在內，磁器盛封，盍於甌上」蒸，乘熱攪勻，收而用之。膏藥熬成了，須用所盛磁器，置淨水盆中，出火毒一晝夜，歇三日，方可用。熬此膏藥，極難於火候，須耐煩看火緊慢，火猛即藥中火發，千萬謹戒。《膏藥方》甚多，效者無出於此。

## 逼毒散逼毒散

貼發背癰疽膿盡。四面皮粘。恐有膿毒攻起。宜用此藥。

通明雄黃研飛，一錢 黃藥子、 白藥子各一兩 赤小豆二兩

右為末水調敷

## 青散子青散子

治發背癰疽膿盡，生肉平滿，宜用「緊瘡口生肌。」

槿花葉盛時收，陰乾，四兩 青小豆 赤小豆 白芨各二兩

右為末，臨時用槿花末三錢匕，白芨、小豆末各一錢匕，相和，新汲水調攤紙上，貼四畔，中心瘡口不用貼。

## 和氣散和氣散

治發背一切癰疽膿潰後。氣虛脾臟滑泄并。四肢逆冷。

蒼朮四兩，「米泔浸一日，洗淨曬乾，再以米酢炒令香黃色」 甘草炙 青皮去穰，各一兩 良薑炒 肉桂 乾薑炮，各半兩 陳粟半升

右七味為末。每服一錢，用炒茴香末半錢相和，溫酒調下，不拘時。

## 追風通氣散追風通氣散

治癰疽發背，流注腫毒，腦疽，打破傷折，疝氣，血瘕，腳氣，諸氣痞塞，塊痛腰痛，一切痰飲為患。此藥大能順氣勻血，扶植胃本，不傷元氣，蕩滌邪穢，自然通順，不生變證，真仙劑也。

赤芍、 木通、 白芷、 何首烏、 枳殼、 茴香、  
烏藥、 當歸、 甘草。

右咬咀酒水同煎

===二仙散===

治「發背癰疽，已成未成，已潰未潰，痛不可忍者。」

「白芷」未潰者用一兩，已潰者用五錢；貝母未潰者用五錢，已潰者用一兩。

右剉好酒煎服

## 搜膿散搜膿散

治癰疽發背，一切惡瘡，年深不效者。

白芷一兩，芎藭二錢，《白芍藥》三兩，輕粉三錢。

右為細末，每用乾摻瘡口上，瘡口深者紙之。

## 芙蓉膏芙蓉膏

治發背癰疽，痛如錐刺，不可忍者，用此登時痛止，如神。

芙蓉葉、黃荊子各等分。

右二味，入石臼內搗極爛，雞子清調搽患處，留頂，如煙霧起，立瘥。此方用在未潰之先，或將潰之際為宜。

## 三神膏三神膏

## 治癰疽發背

蓖麻子去殼，四十九枚 陳酢一椀半， 鹽一撮

右三味，置鍋中，用文武火熬之，槐枝攪膏，先將米泔水洗淨瘡，搽上藥留頂，未成膿者即散，已成膿者即潰。忌一切發物、井酒。

## 神妙生肌散神妙生肌散

治癰疽發背，諸般瘡毒，潰爛疼痛。

《滴乳香》燈草同研 孩兒茶 海螵蛸 赤石脂 血竭  
龜板炒 甲炒 水銀 黑鉛各一錢 沒藥燈草同研 硼  
砂各二錢

右將銀、鉛同煎化，將前藥各為末，入銀、鉛於內，研極細，搽瘡上神效。作痒加白芷一錢。

## 鐵桶膏鐵桶膏

治癰疽發背。疔瘡瘰 痔瘡粉瘤。

蕎麥稈灰淋汁二椀，熬至一椀， 血竭、 沒藥、 乳香各三分為末，入汁內，再熬去半椀，取下待冷， 黃丹、 雄黃、 硃砂各八分， 好石灰八錢，為極細末，共一處，放藥汁內。

右攪勻成膏，磁器收貯，用三稜針刺破，將藥入內，直送深入到底，不三四次全愈。

## 玉容膏玉容膏

治發背癰疽潰爛，用此生肌止痛。外護

香油二兩 黃蠟 寒水石火煨為末，各一兩 黃丹末一錢

右將油蠟化開，入後二味為膏，紙攤貼患處。

## 水雲膏水雲膏

治發背

乾薑炒 皂角炙去皮弦 五倍子炒 川芎各一兩 孩兒  
茶 乳香 沒藥各三錢 白礬火煨 槐花各一錢

右為末，豬膽汁調塗，神效。

## 神仙解毒丸神仙解毒丸

治疔瘡、發背、魚口、諸般惡瘡腫毒，初發一服立消。

白礬不拘多少鎔化。

作丸。如菉豆大。珠砂為衣。每服十丸。連鬚葱七八根。水煎一碗送下。立愈。已成者不傷生。未成者即

消

## 將軍散將軍散

治發背癰疽，疔瘡惡毒，一切無名腫痛，焮熱，初起未潰者。

大黃半生半煨 甘草節，等分。

右為細末和勻，每用一匙，空心溫酒調服，一二服，疏利為度。

## 鐵箍散鐵箍散

治男婦發背無名腫毒未潰者。

舊石灰四兩， 《五倍子》四兩， 二味同炒黑色為度  
《黃丹》一兩， 雄黃七錢， 膽礬五錢

共為末，酢調搽，留口出膿。

## 豆豉餅豆豉餅

治「發背癰疽，腫硬不潰，及潰而不斂。」

江西豆豉。

右一味為末，唾津和作餅子，如錢大，厚如三文，置患處，以艾壯於餅上灸之，餅乾，再用唾津和作。如背瘡腫大，用漱口水調作餅，覆患處，以艾鋪於餅上燒之。如未成者，用之即消；已成者，縱不能全消，其毒頓減。前人俱稱有奇功，不可忽之。

## 人參敗毒散人參敗毒散

治發背癰疽等證，憎寒壯熱，甚至頭痛拘急，狀似傷寒者，宜服一二劑，以衰其毒，輕則內自消，若至六七日不消，可服「托裡消毒散。」

人參 前胡 柴胡 枳殼麩炒 羌活 獨活 川芎 桔梗  
茯苓 甘草各一錢。

右作一劑，用水二椀，煎至八分，食遠服。如熱甚或痛者，加黃芩、黃連。

大便不通。加煨大黃、 硝。

## 神仙截法神仙截法

治癰疽發背，一切惡瘡。預服則毒氣不入內。

《真麻油》一斤，銀石器內煎熬十數沸。候冷。

右用酒二椀，入油五盞，通口熱服，一日用盡，緩則數日服之。吳安世曰：「吾家三世用之，無有不驗。」又聞獵者云：「凡中藥箭，急服麻油藥，毒即消。」鄭學諭德甫屢用之，甚驗。

按：「麻油下三焦熱毒，通大小腸滯氣。若瘡瘍初起，毒蓄於內，大便祕結者，用之以疏通其毒，誠為良法。若大便不實，三焦虛熱，恐非所宜用者，審之。」

## 賽命丹賽命丹

一名「賽飛龍奪命丹」，治癰疽、發背，一切無名腫毒。

蟾酥、硃砂、雄黃、膽礬、血竭、明乳香、沒藥各三錢。蜈蚣、麝香各五分。北細辛、全蠍、蟬退、穿山甲、白殭蠶、豬牙皂角各六。

錢，片腦 白礬，以信石少許，同枯，去信石各五分。

右為末，端午日以酒糊和丸菉豆大，每三丸，以葱酒一小鍾吞下，被盍出汗或吐，若不汗，再服，白粥催之。

## 紫金錠紫金錠

治一切癰疽腫毒

文蛤三兩，淡紅黃色者，搥碎洗 山慈姑各二兩 紅芽大戟洗淨，一兩五錢 麝香三錢，另研細，「續隨子去殼研細，以紙包壓去油，再研，一兩」

右各另為細末和勻，以糯米粥和合，於木臼中杵千餘下，每料分作四十錠，於端午、重陽七夕合。「如欲急用，辰日亦得。勿令婦人孝服，不具足人及雞犬之類見之，合宜珍重，否則無效。」癰疽發背未破，用冷水磨塗痛處，并服良久，覺痒立消。

## 飛龍奪命丹飛龍奪命丹



治諸般腫毒。疔疽惡瘡。

蟾酥 輕粉各五分 硃砂飛研，三錢 白礬枯 寒水石  
銅綠各一錢 蝸牛三十一粒，另研 乳香 沒藥 麝香各  
一錢

右件為細末，將蝸牛另碾一處，丸如丸不就，用好酒糊為丸，如菉豆大，每服一丸，生葱三五莖，嚼極爛，吐於手心，包藥在內，熱酒和葱送下。如重車行五七里，汗出為效，重者再服一二丸。

## 勝金丹勝金丹

治一切癰疽發背，疔毒腫痛。

麝香 白砒製，各五分 雄黃 辰砂 乳香 沒藥 血竭  
各一錢半 全蠍泡，炙 穿山甲炙 天龍去頭足，炙，各  
三錢 白殭蠶炙，去絲，五錢 蟾酥一錢

右為細末和勻，每服三分，赤沙糖調葱頭、酒送下，取汗為度。

## 十全大補湯十全大補湯

治潰瘍發熱，或惡寒，或作痛，或膿多，或清，或自汗盜汗，及流注、癰 便毒，久不作膿，或膿成不潰，潰而不斂。若血氣不足之人，結腫未成膿者，宜加枳殼、香附、連翹服之自消。

人參 肉桂 地黃酒蒸焙 川芎 白芍藥炒 白茯苓 白朮黃土水拌炒 黃芪鹽水拌炒 當歸酒拌，各一錢 甘草炙，五分

右作一劑，用水二鍾，薑棗煎服。

## 一粒金丹一粒金丹

治一切惡瘡癰腫，無名腫毒發背。

沉香、 木香、 乳香各五分， 巴豆霜一錢五分。

各為細末，照秤分兩數和勻，用黑肥棗箇半，去皮核，搗爛為丸，如芡實大，每服一丸，量人虛實，先呷水一口，行一次。胃氣壯實者，只可呷水三四口，不可太過，後用水一口，送藥下行盡數次，以米飲補之。

## 翠青錠子翠青錠子

一名「善效錠子。」治發背潰爛，追膿水，長肌肉。

銅青四錢， 枯礬、 韶粉、 乳香、 青黛各錢半， 白蘞、 輕粉各一錢， 杏仁二十七粒， 麝香半錢

右為細末，調糊為餅子，或糯米飯和亦得。看深淺紕之。直至瘡平復，猶可用之，大有神效。如青金、翠霞、《信效》、紅玉諸錠、針頭散、追毒餅等方，不宜多用，謂犯生砒也。如有死肉，加白丁香一錢。

## 回陽玉龍膏回陽玉龍膏

治陰發背之第一藥也

草烏頭炒，三兩 軍薑煨，二兩 南星煨 白芷 赤芍藥  
炒，各一兩 肉桂不見火，半兩

右為末，用熱酒調塗。若發背發於陰，又為冷藥所誤，又或發於陽而誤於冷藥，陽變為陰，滿背黑爛，四圍好肉，上用《洪寶丹》把住中間，以此藥敷之。一夜陽氣回，黑者皆紅活，即住此藥，卻以沖和仙膏收功。如不效，欲作膿，又以南星、草烏加於沖和用之。如陽已回，黑已紅，惟中間一點黑爛，不能紅者。

蓋血已死，可以 硝、明礬、白丁香、硃砂、乳香，用唾調勻，於黑紅交處作一圈，上用「沖和膏」盪之，至明早起藥，自然去黑肉。如割，卻以藥洗之，掩以生肉合口藥，收功。

## 蟾酥丸蟾酥丸

治癰疽發背疔黃

川烏、 蓮花蕊、 硃砂各一錢半， 乳香、 沒藥各二錢， 輕粉、 蟾酥各一錢， 麝香五分。

右為細末，糊丸豌豆大，每服一丸，病重者二丸，依前法服取汗。

## 桃花散桃花散

治「癰疽發背，生肌活血。」

烏魚骨 虎骨 龍骨各一兩 寒水石半斤，煨 白石脂  
赤石脂 白麩各半兩 黃丹少許

右入白芨半兩，同為細末，量瘡大小敷貼。

## 乳香拔毒散乳香拔毒散

治「癰疽發背，疼痛不可忍者。」

乳香少許，另研 《泥蜂窩》壁間採研

右為末，用醞酢調塗，乾則以酢潤之，痛立止。

## 乳香黃芪散乳香黃芪散

治「癰疽發背，疼痛不可忍者，或未成者速散，已成者速潰。敗膿不假刀砭，其惡肉自下。及治打撲傷損，筋骨疼痛。」

黃芪去蘆 當歸酒洗 川芎 麻黃去根節 甘草生 芍藥  
人參去蘆 粟殼蜜炒，各一兩 乳香另研 沒藥另研，各  
五錢 陳皮一兩

右為細末，每服三錢，水一盞，煎至七分，去粗溫服。如瘡在上食後，在下食前服之。

## 當歸連翹散當歸連翹散

治發背癰疽

當歸、連翹、梔子仁、芍藥、金銀藤各一兩，黃芩五錢。

右咬咀，每服五錢，用水二盞，煎至七分，空心溫服。《要行》，加大黃二錢，待藥熟入大黃，煎一二沸，去粗服。

## 趙養葵方趙養葵方

治發背初起

穿山甲四片。《牛皮膠》四兩。

二味，俱在新瓦上燒灰研細，用酒二椀調勻，從容服完，永無大患。此方妙甚，得之活人多矣，且簡易可辦。近以此方治諸惡疽癰皆愈，始知牛皮膠之功極大也。近來膏粱之人多患此，不知此方之妙，不肯一服，而世之庸醫，亦不知此方之妙，自持成藥，欺人多矣。外用牛皮膠，略用自然薑汁，同水熬膏，如稀泥樣為度。以布貼患處。極效。

## 神授衛生湯神授衛生湯

治發背癰疽，凡未成者即消，已成者即潰。能宣熱散風，行瘀活血，解毒消腫，疏通臟腑。且藥性平和，功效甚速，誠外科首用方也。

羌活八分 防風 白芷 穿山甲炒研 沉香 紅花 連翹  
石決明煨，各六分 皂刺 歸尾 金銀花 甘草節 天花  
粉各一錢 乳香五分 大黃酒拌炒，二錢脈虛便利者不  
用。

水二椀，煎八分。病在上部，先服藥。隨後飲酒一  
杯。病在下部，先飲酒一杯。隨後服藥。以行藥勢。

## 內消沃雪湯內消沃雪湯

治「發背初起，但未出膿，堅硬疼痛不可忍者。」

青皮 陳皮 穿山甲 乳香 沒藥 甘草節 黃芪 當歸  
連翹 金銀花 白芷 射干 花粉 貝母 白芍 皂刺各  
八分， 木香四分， 大黃二錢。

右水酒各一椀，煎至八分，量病之上下為，食前後服  
之。

## 雙解復生湯雙解復生湯

治發背初起，憎寒發熱，四肢拘急，內熱口乾，大小  
便秘，宜此藥發表攻裡並效。

荊芥穗 防風 川芎 白芍藥 黃芪 麻黃、甘草各五  
分， 薄荷葉 山梔仁 當歸、連翹、滑石末 金銀  
花 羌活 人參 白朮各八分， 大黃 芒硝各二錢。

水二椀。表證甚者。薑三片。葱頭二莖。裡證甚者。  
臨服加生蜜三匙和服。為發表攻裡雙解藥也。

## 內消散內消散

治發背癰疽諸瘡。此藥能令內消化毒為黑水，從小便而出。勢大者雖未全愈，亦可轉重就輕，移深居淺。

金銀花 知母 貝母 天花粉 白芨 半夏 穿山甲 皂角刺 乳香各一錢。

右水酒各一椀，煎八分，隨病上下，食前後服之，留藥。查搗爛，加秋芙蓉葉細末二兩，白蜜五匙，同查調敷瘡上，一宿自消。重者再用一服，忌口效。

## 內固清心散內固清心散

治發背熱甚響痛，煩躁飲冷，有此證者，可預防毒氣內攻，當服此藥，庶不變證。

「茯苓、辰砂、人參、元明粉、白豆蔻、甘草、乳香、明雄黃」各二錢，冰片一錢，菴豆粉少許。

右為細末，每服一錢五分，蜜湯調下，不拘時候。

## 琥珀蠟礬丸琥珀蠟礬丸

治發背已成未膿之際，恐毒氣不能外出，必致內攻，預服此丸，護膜護心，亦且散血解毒。

白礬一兩二錢，硃砂、雄黃各一錢二分，琥珀一錢，另研極細，黃蠟一兩，蜂蜜二錢，臨服加

右上四味，先碾研極細，另將蜜蠟銅杓內鎔化，離火片時，候蠟四邊稍凝時，方入上藥攪勻，共成一塊，以一人將藥火上微烘，眾手急丸，「小寒豆大」，用硃砂為衣，磁罐收貯。每服二三十丸，白湯食後送下。病甚者，早晚日進二次，其功最效。

## 回陽三建湯回陽三建湯

治「陰疽發背，初起不疼不腫，不熱不紅，硬若牛皮，堅如頑石，十日外脈細身涼，肢體倦怠，形如甲，色似土硃，粟頂多生，孔孔流血，根陷平散，軟陷無膿。又皮不作腐，手熱足涼者，俱急服之。」

附子 人參 黃芪 當歸 白茯苓 枸杞子 川芎 陳皮  
山萸肉各一錢 木香 生甘草 紫草 厚朴 紅花、獨  
活各五分

「煨薑三片，皂角樹根上白皮二錢，水二碗，煎八分，入酒一杯，隨病上下，食前後服之。用綿帛盪煖瘡上，不得大開瘡孔，走泄元氣為要。」愚按：凡背疽屬陰者，皆由臟腑先壞，而內毒不得發越於外也。舊有用雞冠剪血滴於疽上者；有酢煮雄艾敷圍者；豬腦熱藥敷圍者；神燈火氣灼照者。此數法皆陰疽之用，予雖嘗「用，未見其實。但陰疽不起者，如樹木之根壞，強力培植枝葉，而終無發生之理。予嘗據理用藥，固有得其生者，十中三、四。譬之稼穡，先疏其土，通其地脈，助其根本，回其陽氣。此四者，缺一不可用。蒼朮、厚朴、茯苓、陳皮疏其土，川芎、當歸、紫草、紅花通其脈，人參、黃芪、枸杞、山萸助其本，附子、木香、甘草、獨活，回其陽。如此



用之，但根本內有一脈未絕之氣，服之俱可得生。又驗其手足溫暖，瘡便發熱，漸作響腫，復生疼痛，色暗得活，堅硬得腐，胃氣得回，此是藥之效驗，必在三服中應之為吉。外兼照法接助回陽，此通治陰疽之大法也。

## 神燈照法神燈照法

治發背初起，七日前後，未成者自消，已成者自潰，不起發者即發，不腐潰者即腐，誠為良法也。

雄黃、 硃砂、 血竭、 沒藥各二錢， 麝香四分。

右五味，研為細末，每用三分，綿紙裹藥為撚，長約尺許，以真麻油潤透，燃如燈火，離瘡半寸許，自外而內，周圍徐徐照之，火頭向上，藥氣入內，瘡毒隨火解散，自不內侵臟腑。「初用三條，漸加至四五條，候瘡勢漸消漸減，熏後隨用敷藥。如已潰大膿發洩時，不必用此照敷，只宜用膏藥盍貼。」

## 敷藥敷藥

凡發背，用神燈照後，即用此藥敷之。

車前草、《連根 稀》葦草、 《五龍草》、 金銀花，各等分。

右四味，鮮草藥一處搗爛，加三年陳小粉，初起仍加飛鹽末二三分，共打為稠糊，遍敷瘡上，中留一頂，以膏盍貼避風，自然拔出膿毒。若冬月草無鮮者，預

採蓄下，陰乾為末，用陳米酢調敷，亦如前法，並效。今恐前敷藥內用五龍草，隨地或有缺少，不便合用。予嘗用神燈照後頂，以膏盍周圍腫上，以如意金黃散代敷亦效。

## 如意金黃散如意金黃散

治發背。神燈照後。用此代前敷藥。

《天花粉》：上白十斤，黃蘗 大黃 薑黃各五斤，香白芷三斤，紫厚朴 陳皮 生甘草 蒼朮 天南星各二斤。

以上共為咀片，曬極乾燥，為極細末，磁罇收貯，勿令洩氣備用。

## 黍米寸金丹黍米寸金丹

二名返魂丹，三名再生丸，四名追命丹，五名延壽丹，六名「來甦圓」，七名知命丸，八名「得道丸。」此方異人所傳，治癰疽發背初起，憎寒壯熱，四肢倦怠沉重者，不分表裡，老幼輕重，並宜服之。

麝香五分 乳香 沒藥 雄黃 狗寶 輕粉、烏金石各一錢 蟾酥 硃砂各二錢 黃蠟 粉霜各三錢 鯉魚膽陰乾，三箇 狗膽一箇 白丁香四十九箇 金頭蜈蚣全者，酥炙黃，七條 頭胎，男乳一合

右為細末，除黃蠟乳汁二味，熬成膏子，後入二味和丸「菉豆大，大人三丸，小兒用一丸，病重者五丸，

冷病用葱湯，熱病用新汲水送下。衣被密蓋，勿令。」

透風。汗出為度。諸病如失。後食白粥調理。

## 沖和膏沖和膏

治癰疽發背，陰陽不和，冷熱不明者，宜用之。

紫荊皮炒，五兩 獨活炒，三兩 赤芍炒，二兩 石菖蒲一兩半 白芷一兩

右為細末，葱湯熱酒俱可調敷。

## 煮拔筒煮拔筒

治「發背已成將潰時，膿毒不得外發，必致內攻，乃生煩躁，重如負石，非此法拔提，毒氣難出也。」

羌活、獨活、紫蘇、蘄艾、鮮菖蒲、甘草、白芷各五錢，連鬚葱三兩。

預用新鮮嫩竹一段，徑口一寸二三分，長七寸，一頭留節用刀。剝去外青，留內白一半，約厚一分許。靠節鑽一小孔，以柳木條塞緊，將前藥放入筒內，筒口用葱塞之。將筒橫放鍋內，以物壓之，勿使浮起。用清水十大碗，滄筒煮數滾，約內藥濃熟為度，取出候用。再用鉞針於瘡頂上一寸內，「品」字放開三孔，深入淺寸，約筒圈內，將藥筒連湯用大磁鉢盛貯。患者榻前將藥筒倒出，急「用筒口乘熱對瘡合上，以手

捺緊，其筒自然吸住，約待片時，藥筒已溫，拔去塞孔木條，其筒自脫。將器倒出筒中物色，看其何樣，如有膿血相粘，鮮明紅黃之色，約有一二杯許，其病乃是活瘡，治必終愈。」如拔出物色，純是敗血氣穢，紫黑稀水，而無膿意相粘者，其病氣血內敗，肌肉不活，必是死瘡，強治亦無功矣。此法家傳屢經有驗。如陽瘡易潰易膿之證。不必用此以傷氣血。只可用之於陰瘡。要在十五日前後。堅硬不潰不膿者。行之最當。此法的有回天之效。醫家不可缺也。

## 當歸酒當歸酒

治發背陰疽

粹桂五錢， 當歸四錢。 木香、 白芷各二錢。

右剉，分二貼，每貼酒煎，去滓，入乳香末半錢調服。

## 清心飲清心飲

治瘡瘍腫痛。發熱飲冷。脈沉實。睡語不寧。

防風， 川芎， 薄荷葉， 當歸， 芍藥， 大黃，  
麻黃， 連翹， 芒硝各半兩， 石膏末 黃芩 桔梗各  
一兩 滑石三兩 甘草二兩， 荊芥， 白朮、 梔子各  
一分 黃連五錢

每劑一兩，水二鍾，煎至八分服。

## 破棺丹破棺丹

治瘡瘍熱極，汗多大渴，便秘，譫語，或發狂，結陽之證。

大黃二兩五錢，半生半熟 芒硝 甘草各二兩

右為末，煉蜜為丸，如彈子大，每服一丸，食後童便酒化下，白湯化服亦可。

## 十宣散十宣散

治瘡瘍脈緩瀼，身倦怠，惡寒，或脈弦或緊細者，皆宜用之。散風寒，助陽氣也。

人參 當歸酒拌 黃芪鹽水拌炒 甘草炙 白芷 川芎  
桔梗炒，各一錢 厚朴薑製，五分 防風 肉桂各三分

右作一劑，水二鍾，煎八分服。

## 箍藥箍藥

治發背毒甚，散走不住，此藥圍之即解。

芙蓉葉 白芷 大黃 山慈姑 寒水石煨 白芨 蒼耳草  
黃蘗炒，各等分

右各另為末，用水調搽四圍中，如乾，以水潤之。

## 烏金膏烏金膏

解一切瘡毒，及腐化瘀肉，最能推陳致新。

巴豆一味，去殼炒焦，研如膏。

右點腫處則解毒，塗瘀肉上則自化，加乳香少許亦可。如紅瘡內能搜膿化毒，加香油少許，調稀可用。若餘毒深伏，不能收斂者，宜此紅之，不致成漏。

## 援生膏援生膏

治一切惡瘡。初起點破。雖未全消。亦得以殺其毒。

「雄黃五錢，輕粉、蟾酥各三錢，乳香、沒藥、血竭」各一錢，麝香五分。

右用蕎麥楷灰或真炭灰一斗二升，淋灰湯八九椀，將栗柴或桑柴文武火煎作三椀，以備日久藥乾添用。取二椀，盛於磁器內，將前藥碾為極細末，入灰湯內，用鐵桿或柳枝順攪，再入好細石灰一升，再攪勻，過一宿，卻分於小磁罐收貯。凡遇諸惡瘡，點當頭一二點，一日換二次，次日又二次，須出血水為妙。如藥乾。卻加所存灰湯少許調之。

## 神功散神功散

治發背一切瘡瘍，不問陰陽，腫潰並效。

黃蘗炒 川烏炮

右另為末，各等分，用唾津調敷患處，并塗瘡口。一道人不問陰陽腫潰虛實痛否，此藥用漱口水調搽，不留瘡頭，日易之，內服「仙方活命飲」甚效。

## 仙方活命飲仙方活命飲

治「一切瘡瘍，未作膿者內消，已成膿者即潰。」又排膿止痛，消毒之聖藥也。

穿山甲：用蛤粉炒黃色，甘草節、防風、沒藥、赤芍、白芷、皂刺、炒黃、歸尾、乳香各一錢，天花粉、貝母各八分，金銀花、陳皮各三分。

右作一劑，用酒一椀同入瓶內，紙糊瓶口，勿泄氣，慢火煎數沸，去查，分病之上下，食前後服之。能飲酒者，再飲二三杯尤好。

## 神功托裏散神功托裏散

治癰疽發背，一切腫毒，響痛，憎寒壯熱。

《黃芪》《鹽水拌炒 金銀花 當歸 粉草》各一錢

右作一劑，用酒水各一鍾，煎至一鍾，分病上下，食前後服，少頃再進一劑，查敷患處，不問陰陽腫潰老少虛實皆可服。為末，酒調服尤效。

## 清涼飲清涼飲

治「發背瘡瘍，煩躁飲冷，響痛脈實，大便閉結，小便赤澀。」

大黃炒 赤芍藥、 當歸、 甘草各二錢。

右作一劑，用水二鍾，煎八分，食前服。

## 苦參丸苦參丸

治一切癰疽瘡毒，響痛作渴，或煩躁。

苦參不拘多少。

右為末，用水糊為丸，如梧桐子大。每服二三錢，溫酒下。

## 雄黃解毒散雄黃解毒散

治一切癰腫潰爛，毒勢甚者，先用此藥二三次，以後用豬蹄湯。

雄黃一兩 白礬四兩 寒水石煨，一兩半

右用滾水二三椀，乘熱入前藥末一兩洗患處，以「太乙膏」或「神異膏」貼之。

發背方 中藏經 發背方〈中藏經〉



燒車螯、蘆殼。如無以竹根代黃蘗、甘草。

右等分為末。先以青監、薄荷、芫荽、樓葱煮漿水湯洗瘡，男子以婦人，婦人以男子唾，調前藥塗之，以赤水出為度。

## 海馬拔毒散海馬拔毒散

治疗瘡、發背、惡瘡，大有奇效。

雄黃三錢，海馬一對，炙黃 穿山甲黃土炒 硃砂 水銀各一錢，冰片、麝香各少許

右為末，入水銀研，不見星。每以少許點之，一日一點，毒自出也。



本作品在全世界都属于**公有领域**，因为作者逝世已经超过100年，并且于1929年1月1日之前出版。



本作品原文沒有標點。標點是人工智能程序[古詩文斷句 v2.1](#)創建，並且經由維基文庫用戶編輯改善的。本站用戶之編輯以[知識共享 署名-相同方式共享 4.0协议 \(CC BY-SA 4.0\)](#) 發佈。



歡迎各位持續修正標點，請勿複製與本站[版權協議](#)不兼容的標點創作。

# About this digital edition

This e-book comes from the online library [Wikisource](#)<sup>[1]</sup>. This multilingual digital library, built by volunteers, is committed to developing a free accessible collection of publications of every kind: novels, poems, magazines, letters...

We distribute our books for free, starting from works not copyrighted or published under a free license. You are free to use our e-books for any purpose (including commercial exploitation), under the terms of the [Creative Commons Attribution-ShareAlike 3.0 Unported](#)<sup>[2]</sup> license or, at your choice, those of the [GNU FDL](#)<sup>[3]</sup>.

Wikisource is constantly looking for new members. During the realization of this book, it's possible that we made some errors. You can report them at [this page](#)<sup>[4]</sup>.

The following users contributed to this book:

- Kwj2772
- Jdx
- 維基小霸王
- Rocket000
- Santoposmoderno
- HereToHelp

- Victormoz
- Srittau
- Boris23
- KABALINI
- Bromskloss
- Tene~commonswiki
- AzaToth
- Bender235
- PatríciaR
- Dbenbenn

- 
1. [↑ https://wikisource.org](https://wikisource.org)
  2. [↑ https://www.creativecommons.org/licenses/by-sa/3.0](https://www.creativecommons.org/licenses/by-sa/3.0)
  3. [↑ https://www.gnu.org/copyleft/fdl.html](https://www.gnu.org/copyleft/fdl.html)
  4. [↑ https://wikisource.org/wiki/Wikisource:Scriptorium](https://wikisource.org/wiki/Wikisource:Scriptorium)